

歐

北

集

甌北集卷五十

戊辰

陽湖 趙翼 雲松

戊辰元日

履端晨慶斗杓回遙叩天門詆蕩開荒後人情皆望麥
臘前花信暗催梅寥空雪少欣償雨閏歲春遲未響雷
老去情懷惟祝國籌車會見屢豐來

新正五日得雪效香山體

早後災黎望有年欣逢瑞雪立春前天如大磨霏乾麪
香山雪詩北市風來飄散麪地怯枯皮覆厚瓊未卽救飢先畫餅已堪解

凍當鋪綿也如花信風先報一綫生機在麥田

立春前一日朱虛舟藩伯招同劉檀橋中允洪稚

存編修湯樸齋員外瞿秩山觀察崔雲客太守
陳樾齋家味辛兩司馬蔣瑩溪別駕管道明州
牧崔禮卿明府讌集卽事

嘉醺迎春雪未殘聯翩裾屐赴辛盤座多舊識無虛讓
看是新翻各飽餐花信探杯人射覆酒兵衝陣將登壇
只嫌漸啓豪華習可少迂儒一味酸

應酬

杜門概謝應酬忙設版魚蝦自畫疆老避聲名三退舍
閒看今古一炊粱讀書漫恃青藜火傳世何關古錦囊
堪笑鄭莊勤置驛徒從冠蓋借輝光

悼亡

已分今生不服續誰知暮景鼓盆悲生甘荆布無交謫
歿剩壚鹽有去思得死夫前原是福相逢地下料非遲
只憐老伴相依久忍對空幃不淚垂

在官日少在家多辛苦持門髻漸皤薄產不嫌洲種橘
敝居常理屋牽蘿內言出棚元申警側室生兒倍撫摩
家政如今更誰倚祇應獨問夜如何

椒觴隨例拜新年病不能興黯獨眠兒女滿前那忍捨
參苓無效竟難延向隅暗淚潛流枕營奠遺言戒費錢
最是傷心鳩祝嘏翻疑辟穀去登仙

君以膈噎
症病歿

戲題項用和小照

西遊小說本荒唐幻境摹來太作狂絕似水簾深洞裏

國朝詩集 卷五十一
諸孫獻果奉猴王

王母行籌伺察周如何仙果不能畱想來還是狙公芋
只說蟠桃會上偷

偶閱小倉山房詩再題

不拘格律破空行絕世奇才語必驚愛宿花爲胡蝶夢
惹銷魂亦野狐精么絃欲奪霓裳曲赤手能摧武庫兵
老我自知輸一着只因不敢恃聰明

江節婦輓詩

未亡人竟健持門手撫諸孤劇苦辛老屋數椽貧不賣
爲夫家作一功臣

湖塘橋下我頻經閒采鄉閭月旦評見說江家有賢母

五更猶聽紡車聲

孫掄元封翁唁我悼亡卽事感賦

衰年少伴守孤悽破寂惟憑舉案齊今日安仁悼亡後
翻將老友當山妻

題呂繼菴州牧梧竹雙清圖

宦轍梁洋正策功那能閒憩竹梧中祇應領畧清涼意
去作輶車兩袖風

楊舍寓齋作

寓齋岑寂似禪房靜裏觀空接混茫雞卵中函小天地
蟻柯下歷幾滄桑倦來股腳無箕踞枯到鬢髯不戟張
預擬胡牀曲池上荷花香處夜乘涼

虛名徒滿大江東已是衰頹八十翁有幾光陰駒過隙
本無痕迹鳥飛空漸收敗着完殘局誰豎降旗拜下風
始歎塵緣難擺脫出家真是大英雄

葉保堂明經多購抄本異書內有馮夢龍甲申紀
聞陳濟生再生紀畧王世德崇禎遺錄程源孤
臣紀哭等書皆明末說部中所記時事可與明
史互相參訂者也楊舍寓齋無事借以遣日偶
有感觸輒韻之

奴運人才國祚終滿朝門戶正交鋒東林點將罡兼煞
東林點將錄內
有天罡地煞星南渡浮江馬不龍園土清流屍裹席潢池劇
賊境傳烽始知生長昇平幸出處倏然一短筇

四鎮調停已劃疆

此首專咏史可法

運移那得救垂亡生嫌棣萼

枝偏暖

公弟可程曾降賊背文天祥有弟壁降元或弔以詩有南枝向暖北枝寒之句

死葬梅花土亦香

義梅

盡瘁孤忠諸葛表立君大義紫陽綱

見可法答攝政王書

終邀

御筆褒華袞

高宗純皇帝御製題可法答贊

千載丹心日月光

贈保堂

百里江城權溯洄喜逢知己好懷開舊書容我巾箱借
今雨何人步履來便擬結盟鷗伴侶相攜望海蜃樓臺
萬齋稍待荷花放可少臨流一舉杯

題沈荀蔚蜀難紋畧

多記張獻忠孫可望等事

也是西陲一劫塵天教劇賊殄川民豈聞狼虎能開國
竟使魚羊恣食人君后支糧須計口金銀沉水不翻身

不知當日殘黎幾何處逃生伏棘榛

喫烟戲咏

淡芭味不入鹹酸偏惹相思欲斷難

古詩相思若烟草

豈學仙能

吸雲霧幾令人變黑心肝噴浮銀管香驅穢暖入丹田
氣辟寒贏得先生誇老健鼻尖出火駭旁觀

丹徒戴紳有二女張之燦有二子葆元受培遂締
姻以姊妹爲姊妹姊嫁葆元生一子而寡不數
年受培又卒妹方待年亦奔喪與姊相依人稱

雙節

寡鵲孤鸞聚一家由來薄命是芳華誰知雙節傳佳話
貞木枝開姊妹花

姊泣吹壩妹泣箆人間有此女夷齊一燈同課孤兒讀
淚盡寒窗午夜雞

湖塘橋質庫繚垣十餘丈爲大風雨摧倒壓壞棧
屋九間俗傳爲龍陣過也詩以誌異

風怒號雨亂澆鰲擎不住地動搖忽然徑礮一聲響摧
我五丈巉牆高牆南九厦盡壓倒災過杜甫三重茅傳
是半空龍陣過元黃血戰酣聲囂龍之爲靈故昭昭雲
騰泥鰲馴不驕江鄉千里地遼濶何處不可皋蘭鑒乃
憑我屋作行陣張牙舞爪恣驕驕憶我少年氣方壯擬
鬥霹靂斬鯨鯨目炬如電光四射百神不敢紛喧呶今
竟欺我老無力想因衰運招孽妖獨惜此屋占墟市什

一取息免腹枵相如并無四壁立飢來驅我將焉逃

荷花有開在葉下者戲嘲之

不染淤泥是藕花花中品格最高華誰知也愛青涼繖

醉倚田田綠葉遮

宋時兩府方用
青涼繖故貴之

楊舍寓齋平池一畝跨以石橋橋左右向有紅白

荷花余今歲來游適交夏至荷葉已滿池而忽

一夕大雨如注水長二尺衆葉皆淹感賦

寓齋何所戀爲有池荷芳池長三十步石橋跨中央兩
邊紅白花年年開滿塘我來正夏至菡萏苞方將或小
如繭栗波面尚半藏或如盧鼓槌粗可撾漁陽預擬花
繁時開筵具壺觴招邀同湖友準備吟詩腸賞此衆蟬

娟破慳趙壹囊酣爲碧筍飲刷藕劈瓜瓢左昵粉白靨
右擁嬌紅粧晨夕爲歡娛吾將老是鄉豈期一夜雨水
長二尺強戢戢千萬頭嬌魂盡沉湘想渠被溺時望救
情孔傷恨無摠苗者掖之身頓長坐受滅頂凶安得奮
首昂嫩蔬一被浸難甦返魂杳欲俟再發顙補綴好景
光竹非上番笋茶已第二綱精神固暗減寧復新嫁娘
由來書生命清福愿莫償美食剛到口忽有扼其吭轉
念忽自笑此意殊癡狂時當翻犁侯得雨如瓊漿君但
知惜花可計及栽秧

次韻寄答陳蘭江同年金華教授

千里書來自浙東無窮別緒寸函中爲詩我恐如高叟

通德君應號鄭公五斗早看辭折坂一瓊聊當隱高嵩
初平叱石仙踪在安得相尋醉碧筒

附原作

陳鳳舉

江雲蒼莽各西東風範時親卷帙中不獨十年先長
我要無一事得如公天邊勲畧畱滇粵海內文章仰
華嵩才福雖殊情自合敢將衰劣報詩筒

次韻答徐芝堂孝廉見贈之作

西山朝爽颯英姿正喜披襟溽暑時城北徐公原有貌
渭南趙嘏肯無詩就吟本是同功爾衰老應憐獨足蓼
不覺對君慚謏劣又思補下董生帷

附原作

徐彰

叅天高榦歲寒姿大雅扶輪獨貫時四海遍傳隴北
集千秋重睹劍南詩專家著述稽三豕報國勲名薦

一夔

費相國爲門下士

何幸居東頻信宿侯芭親傍子雲帷

兒俊次韻二首

上苑原棲鸞鳳姿羽儀暉吉正逢時科名已捷三條
燭著作欣披一卷詩此日文章驚虎豹他年事業卜
龍夔客途何幸朋簪集問字頻過勝下帷

我本生成謗劣姿流光虛擲過庭時恐招李嶠無兒
誚愧讀淵明責子詩前路敢期蠅附驥遊踪忝荷螭
憐夔得邀雅愛同蘭契親炙行當就講帷

余來楊舍避暑適黃仲郇明府以梅花初月圖索

題走筆卽正

素絲風味寫生精
月魄梅魂總白描
我到暨陽來道暑
披圖不覺失炎敲

鴨池河畔我曾遊
慨想名賢勝跡留
今見先生梅月卷

依然龍友舊風流

楊龍友工書畫吳梅村所咏君是黃驄最少年者也先生亦黔人而風雅過之

卽事

江鄉來避暑野景入簾櫳
蛤吠荷池水蟬吟柳岸風
地偏無屐齒興到有詩筒
便是清閒福天真厚此翁

紫花

老去風情久付空
偶然兒戲紫花叢
撩他過客低徊處
露出牆頭一朶紅

向日葵

草本移來植水湄高柯粗葉挺無枝莫言久斷東華夢
白首猶栽向日葵

蓮花開只兩日至第三日敗矣感賦

漫說蓮花品格高難成易敗欠堅牢經年種藕經旬藥
及到開時只兩朝

草花

十笏庭齋傍水涯鳳仙藍菊燦如霞老知光景奔輪速
不種名花種草花

細碎花紋密似編開來不值半文錢若教巧匠金絲製
價又高懸索百千

自戲

莫嗤氣味秀才酸三十餘年不服官入世更無同輩語
聞名都作古人看眼昏屢爲塵揩鏡頭禿惟憑帶繫冠
姑妄言之供一笑幾時謁遞到長安

卽目

百草皆蕃廡緣知暑已深荷花高出岸葵葉蔚成林

向口

棟皆高二丈餘

閒處驗生趣靜中生道心向來嫌理學此亦舞

雩吟

換衣

逝者如斯見化機老來寒暖要防微新秋一樣清風發
人着單衣我夾衣

盤龍草蔓生葉細如針花亦如粟粒深紅色奴輩
初紫小屏使盤旋其間已而蔓愈長再作七層
塔以引之而勢猶未已走筆戲賦

南朝猛將周盤龍匹馬縈拂萬衆中千年毅魄老不死
化爲繞指穿花叢露華無聲三更濕一縷圓絲裊空碧
殘燈半滅睫未交偷眼抽來長一尺初作小錦屏金梭
三日織已成再搆七層塔復奮越陰似苗握倘教盡量
恣高騫直可懸愁千丈髮百物由來要自矜不論貴賤
總名心笑我打油腔劣句也同做帚寶千金

草花畧澆灌輒欣欣向榮乃知賤種尤易滋長也
草花誰灌沆泉清偶荷滋培倍發榮始悟六朝中正品

用寒人轉奮功名

東籬

陸放翁舍東有隙地插棘爲藩植花木其中取
陶令詩意名之曰東籬余寓齋在石橋之東隙
地半畝亦樊爲圃雜植野卉因亦以名焉書以

解嘲

陶令東籬久著稱放翁插棘我牽藤可憐俱附前賢迹
已是三層最下層

秋葵

葵高二丈俯中庭花面鵝黃一色深誇富漫言金滿地
吾家更有滿天金

靜觀

古而無死復何哀悔不機幢早自摧老樹尚誇霜後勁
名花可惜雨中開耐閒還藉書消遣謝病兼辭客往來
莫怪蓬蒿滿三徑久無屐齒印蒼苔

靜中觀物見天真小闌庭齋景色漸枯木有藤青借葉
流螢無火碧成燐節枝懶挂唯呼僕執扇將捐尚戀人
自笑生平置何等老來剩作臥雲身

寓舍有二犬余飯時只一犬來詢知乃母犬讓其
子得殘炙也感賦

一骨拋投母不爭小厖因得飽餘烹由來舐犢關天性
不但人情也物情

同牢百犬兆家和讓食何爲只犬婆旁有黠奴心暗笑
主人餘惠本無多

書賈施朝英每年就我刷印拙刻甌北詩鈔陔餘
叢考廿二史劄記十家詩話等各數百部書以
一笑

和凝板本早雕鏤卻被屠沽索價酬鼠璞料無三倍獲
雞林可有百金求奇分宛委藏書穴氣壓麻沙販客舟
我是爲名他爲利大家不免達人羞

青邱漫說蘄元精妄念終貪後世名湖海豪猶千里隘
華壇高已一官輕枕中或有珍鴻寶帳裏知誰秘論衡
心力所慚徒悞用縱傳亦只一書生

哭蔣立崖之訃

噩耗傳來夢亦驚
寢門爲位淚泉傾
斯文謬荷推先達
知己方將託後生
詩有未招魂旅跡
感深不見面交情
自緣事道成烏魯木齊從余林
將軍處得拙詩歸遂謁我定交
更
可憐繡谷齋前酒
猶記清談到五

閱竹葉菴遺集

三年京邸共挑燈
遺集差欣入剡藤
走觸醋瓶原是癖
覆來醬醃有誰拯
詩文須到重翻板
名姓焉能久繫縈
放眼藝林聊一笑
才人何限氣飛騰

追悼杭杏川白峯廷宣潘震峯諸友昔少時同學
忽忽前塵六十年
書窗課藝共加鞭
忍飢尚剔孤燈火

支冷羣依一片瑣有友五人惟我在閱他三世望孫賢
東干故舊今誰是每到徒增淚泫然

忽夢重守鎮安感賦

久無夢到日南春忽漫之官撫舊民白首重來誰識我
青山無恙尚迎人樂公社在香猶裊馮婦倉開粟已陳
好似令威華表鶴小遊仙去認前塵

白荷未殘黃葵又綻戲咏

雪白池荷正映欄葵花黃又卷簷端豪華欲傲王元寶
上有金盤下玉盤

浮榮

明知聲譽亦浮榮尚未甘爲腐草螢當代更無毛子晉

他年誰輯趙明誠送終自是兒曹事作誅徒叨舊友情
只有詩文早流播或堪座叔駐微名

卽事

五月扁舟到暨陽茶瓜清坐但迎涼蕭齋不覺居停久
見了秧青又稻黃
閒庭半畝水之涯雜卉羣芳總麗華來是將開去將謝
此行端似爲看花

觀曉都閙校獵

霜落秋高校獵時平蕪草薶正堪馳鼻尖出火鈴追犬
耳後生風箭叫鴟壯士功名三尺劍將軍號令一竿旗
多慚壁上閒觀處不及周陟一健兒

豳陽野望

客居恬適漸忘家小憩郊原倚杖斜江上無風三尺浪
山中有歷四時花勤更單夾暄涼服預識陰晴曉暮霞
又是秋成黃落候相從野老話簞車

自明

衣食無憂只讀書不知此福怎消除祇應老罰飢腸吼
饒向陳編拾唾餘

獨夜

神清宵不寐靜極動多連氣盛蛙鳴鼓聲微鼠數錢薄
綿催簾換小蛙助燈延尚有關心事剗開幾朶蓮

老態

老態真堪笑徒行亦覺勞齒危咀代嚼膚燥浴當搔觀
而呼名悞拈題數典述只餘詩律細尚耐析秋毫
醫老將何術隨時自節宣書惟看大字詩不鬥長篇少
待飢纔食多勞倦始眠精神私自忖尚可兩三年

俊兒隨侍久詩學日進喜賦

客邸相隨久詩功喜日新老年無樂事家學有傳人何
必金簾富惟愁腹笥貧滿門純袴習吾更與誰親

六言

孝先任嘲便腹坡老爭讓出頭光燄不能萬丈聲名那
得千秋

向日葵應隨日移向而幹老頸粗難于旋轉戲題

徑尺花含向日誠夕陽斜照合西傾誰知老去仍強項
不要橋傳拘項名

金風

閒向東籬玩物華化工消息在萌芽金風吹滿黃金色
叢桂園葵野菊花

吳門晤范洽園編修馮實菴侍御潘榕皋員外暨
蔣于野兄弟

訪舊重來七里塘經年不見倍情長何當老態三遺矢
還附名流一瓣香相戒不談朝市事得閒已淡利名場
暮年正要飛騰景同看紅霞綯夕陽

後兒以我年邁強進參劑其價四百八十換此豈

吾輩所宜

鯉庭奉我養生方一擲千金付藥囊
少日已甘三韭菜晚年翻飲獨參湯
固知毛裏關心切直藉刀圭買命長
氣散則歸原順事老夫心早契蒙莊

枕上

何物消閒味詩多枕上成
卻將詩索枕枕又寂無聲

柳色

暑退農功又築場秋來一雨一番涼
隄邊暗換垂楊色不是嬌黃是硬黃

近日作詩多用金玉字書以一笑

玉白金黃色非真亦壯觀
老方嚴戒得窮僂免號寒漫

拾殘牙慧爭唾至寶丹貧兒殊淺露富貴在毫端

雜感

忽忽流年鬢已霜閒從今古覽蒼茫倖難青史虛名附
老剩黃花晚節香九品班聯誰屈指百年人物遞當場
蓋棺自有公評在何論江湖與廟廊

年高

年高多閱歷責獨重儒門士要窮能固人非爵始尊讀
耕原祖訓飽煖總君恩何物留胎久田家老瓦盆

詩壽

毫齒尊鄉黨虛名主玷壇苦吟三折臂強飯一加餐世
要詩何用人惟壽最難有詩兼有壽敢復歎衰殘

活計

活計銖銖積堪資一笑咱死何妨速朽生不食嗟來北

海文爲富

侯鯖錄李邕碑八百

東坡儉養財

清波雜志東坡食不重肉云惜費以養財

如今亦

遑恤且醉眼前杯

葛屨

老來服飾漸癡顛那復趨時學少年着了羔裘仍葛屨
爲他步履較輕便

靜觀

從來風月屬詩家惜未潛叅迹象賒聚散不常雲出岫
早遲有信樹開花鬼無靈爽憑何祟物有菁英肯不華
尚愧觀梅少師授難將易理洞幽遐

煖足用溫水貯錫孟入被中可達旦不冷背黃山

谷名之曰腳婆今俗呼爲湯婆戲咏

一斗溫泉貯錫孟勝他黃爛夜相娛書引睡目黃爛布衾絮薄堪

伸腳

二字見新唐書周智光傳

紙帳花寒不結趺褻過牀邊安虎子

褻器

煖逾被底睡狸奴

教翁詩夜長暖足有狸奴

老夫正得女妻樂不許稱

婆要改呼

肩輿拜客憫輿夫勞瘁適食盒中有炙糕各賞三

條書以一笑

雇得籃輿拜客遙炙糕慷慨賞三條輿夫不敢嫌慳吝

自笑朝來腹太枵

無詩

每日耽吟到日西幾於搜及角中麈只愁明日無詩句
卽此無詩又一題

高麗紙

紙高價貴耐研摩槌熟輕綿賽衍波陽面寫詩陰起草
費錢轉覺省錢多

秋分後天氣已涼忽復大熱

秋冷復驚暑渾疑節候差幾如同馬箭仍障辟蚊紗白
落荷無辦黃蒸菊有華笑同新米價已賤又增加

近日事

行園

年年思養靜今始得閒身已捨無窮願誰爲不死人泥
沙分土性草木驗天真不向羣芳探焉知景物新

東籬

東籬半畝薔薇散步消閒日幾迴
都屋何嫌非館閣桃源豈必有樓臺
花無名字因心造客有詼諧笑口開
詩料平時久忘卻誰知收召也還來

花畱客

雇得歸舟泊水湄庭花連夕發妍姿
憐他似欲畱儂住臨別匆匆爲改期

歸舟

楊舍城南一葉舟滿途黃葉已深秋
西風自是無情物催我遄歸不少畱

山塘

山塘風景浩無邊，綺麗人工奪化權。到此自生遊冶興，
來時况值豔陽天。香籠雅座三層閣，酒溢行廚六柱船。
勝地只嫌脂粉氣，五人墓亦佔花田。

過杭白峯之墓

少年同學最關情，重過荒郊宿草塋。死已無知何麥飯，
生雖有食只藜羹。書窗共視論文夕，蕭寺聯牀聽雨聲。
他日九原相見處，可能還作舊嚶鳴。

歸途

半畝庭齋百卉非，客懷欲別轉依依。幾同夢澤留居久，
見李太白集笑比和林避暑歸。乳燕經秋空壘去，鷓鴣向暖故
山飛。候門遙識孫男女，先認衰容較瘠肥。

饒口

饒口連旬負老饕有時淡食到溪毛歸途預擬羅鄉味
黃雀青魚紫蟹螯

耳聾

我昔耳最聰萬籟躡呼吸審音師曠傳奏曲周郎識食
葉聞蠶聲指牀數龜息有人語隔垣往往防聽竊如何
近年來若有物壅塞初投石徑礮旋閉關隔閤對面語
不知悄恍以意測但見遶梁塵豈解罪玉屑偶然話不
投輒欲擲其頰古有王晉卿壯年患此疾東坡爲發怒
向耳大噴喝勒限三日痊過期便當割果然翊日瘳不
煩社酒力見後我耳獨不然五官遂缺一由來氣盛衰默

有司嶰律少壯肩易開枯槁室難豁只好作難陀返聽
叩虛寂世務紛蜩螗聆之本何益少聞殊省事放翁言
破的從此長杜門一概謝喧聒

分產

九牕廳房六頃田兒孫各自起炊烟多慚我已無家計
猶問街頭米價錢

腹不愁飢體已溫出身誰復記寒門他年不把青鹽賣
便是吾家好子孫

少睡

十二時中神影形三時瞌睡九時醒如何卽此三時內
又被南柯攪不寧

漫說高踪寄隱淪北窗一枕苦無因輸他童子垂頭睡
翻作義皇以上人

和保堂甘露寺咏李德裕之作

千步禪林列岫環衛公曾此躡屣顏杖無方竹畱蕭寺

公以方竹杖贈寺僧僧圓而漆之

泉有中泠敵惠山

公在長安用水遷致惠山泉

口福想應羊

食盡

清波雜志公應食一萬羊

羈魂難附鳥飛還

在海外有詩獨上高樓望帝京鳥飛猶是半年程

倘

恢相度消朋黨千載英名孰許攀

見贖衣者戲賦

一夜霜寒贖敝衣贖來便在櫬前披看他顧盼自雄處

回去居然衣錦歸

黃雨歌

桂花開過飄落如雨竊仿桃花紅雨之例名之

曰黃雨戲作短歌

桃花亂落如紅雨雨點太粗殊不似凡花黃者多不落
秋菊落英寓言耳木樨謝乃落紛紛灑地秋霖正可擬
青天白日浙瀝來不用青涼繖遮體布金焜作祗洹宮
璫蠟散霏忒利市贏得風嫵也帶香并疑月姊真潑水
桂林一枝定誰折時諸生方鄉試黃色上眉先報喜紅雨新翻黃
雨歌數典不妨自今始

觀化

註釋蟲魚愧大家豈知天咫驗萌芽鐵鞵踏破春難買
葭管吹來物自華水力不濡鳬鴨毳鳬鴨入水毳毛亦不濕人工能

變鳳雞花

鳥似雞而色如沙
動自能變色

眼前何一非新意猶只恒河裏一

沙

患痢不能夜起彷彿小兒灰袋襯入被窩以防泄瀉

戲咏

納污不藉廁踰功一袋寒灰襯被中此是孩提需用物
我今真返老還童

五更

五更心事把人驅總爲蠶鹽計有無枕上詩成都不管
雞鳴起作跣之徒

寄祝費筠浦相公七十壽

黃扉添報海籌長移築沙隄禁苑旁萬里封疆膏雨澤

九層霄漢福星光壯猷識遠猷軍國宿望年深重廟堂
轉眼新春開八秩會看廿四考汾陽

帝優耆輔湛恩波十賚榮光爛絳河

鸞輅出巡頻掌

鑰鯉庭接武又鳴珂漢司空本三公貴文太師曾九十
多

眷注愈深肩益鉅邇知難謝鬢絲皤

重九前一日管公祠看菊

世人共愛春花妍豈知秋花更穠麗吾鄉近年菊事繁
闔戶俱工馬騰藝連畦幻出冷胭脂五色遍爛無不備
醉楊妃與粉西施譜入羣芳立名字遂使陶籬高潔姿
也逐時趨染肥膩吾特取其晚節香不與羣卉共榮悴

陞北集

卷五十

辛

春花從無百日紅茲獨能耐風霜
腐不見初白查翁詩
曾接早梅插同羅

歐北集卷五十一 己巳

陽湖 趙翼 雲松

己巳元旦

東風吹送物華新八十三翁拜

紫宸

余歸田後每歲元旦必望闕行禮

富

貴場曾甘退步昇平時易作完人添籌且喜增年歲鼓

缶惟當樂夕晨回憶求名赴京國一週花甲又逢春

乾隆

己巳余

初入京

閱歐陽五代史多戰爭之事夜遂夢身履行間蓋

神不守宅有此逃離惘恍之境尤屬衰至之徵

也詩以記之

忽然夢入大槐安竟似身登上將壇帳下練兵皮蹴毬

筵前擁妓肉臺盤幻成勢醜非真境出自貪癡本笑端
聊喜小遊仙一霎豪華快洗秀才酸

人日大雪喜賦

人日欣逢瑞雪來萬花飛舞把春催雞聲悞認三更月
狗迹工摹五瓣梅大地頓教成玉海新年先喜賞銀杯
老夫髮亦盈頭白敢詔梁園作賦才

是日味辛治具有饌極精座中衣捨猢猻裘者五
人余裘最敝而余年亦最老或謂燕毛卽所以
序齒也滿堂皆噴飯而余以主人族誼不敢當
首座之尊詩以解嘲

除酥送暖歲初更鄉飲連朝遞治觥數見不鮮人太熟

後來居上饌逾精裘如劉帥隨年杖酒開王郎斫地聲
笑我已甘辭首座漁樵席上不須爭

食夢

書生賦命本來屯那有羊蹄踏菜園夜夢忽聞人報喜
刀魚竟變作河魴

題崔雲客太守冊亭從軍圖

古來名將出山西詞館人偏狎鼓聲自是幽并豪俠氣
要兼武績一九泥

我亦從戎入瘴煙短衣匹馬日南天而今見獵心徒在
老矣俄驚四十年

正月十九日爲亡室程恭人忌辰脫纓輟泣老淚

已枯子然顧影轉覺神傷也

鸞鏡輝沉歲一期悼亡騎省有餘思別來形影空相弔
夢裏悲歡只自知漫有牀前阿堵物也多膝下寧馨兒
一家依舊團圓景脈脈鰥魚淚獨垂

五九

五九寒初退好風來自東春情雲淡蕩曉夢月朦朧燈
火分棚簪笙歌度曲工清遊動高興吾亦與人同

戲題蒲快亭出塞圖

我昔曾經扈木蘭周陟跋馬踏青羣那知五十餘年後
重見興桓塞上山

千詩百賦擅文章儒雅何曾慣急裝天與虬髯滿顏頰

不須誇矜已渾羌

健閒

放翁詩造物
子閒兼子健

已交大耋滿頭霜飯不能強步履強我慕九旬胡壽愷

鄉先輩胡澹晚
年築壽愷堂

人稱四海魯靈光僅留畫餅名何用且喜炊

梁夢尚長天子健閒寧敢負一筇一笠一輕航

行園

一無所事坐書窗遣日惟憑屐一雙已死更生枯樹枿
有花無葉老梅椿一卷竄篠如尋壑尺沼潌澗當泛江
欲試蘭成小園賦螟巢不稱筆椽扛

看花

百卉芳菲有早遲栽來籬落總蕃滋遂無一日無花看

此是書生享福時

殘骨

菜肚涪翁茹草萊經旬素食偶葷開無端殘骨拋於地
似要人知吃肉來

聞筠浦相公總裁會試喜寄

相臣主試朗文華鎖院深嚴靜不譁四海久知心似水
九重兼倚眼無花量才尺挽風騷古大雅輪扶願力賒
四十年前辛苦地今看親示指南車

又

喜聞黃閣主文衡桃李新陰滿禁城分得餘光到裴皞
又添一榜小門生

哭洪稚存編修

里閭徵逐慣從遊一病何期竟不瘳生爲狂言投萬里

君以上書

死猶遺稿待千秋繁音不聽梨園調

生平不聽戲

健步

堪當剡曲舟

忠孝

胸次知君原灑落古來何事不浮漚

賜環歸後脫征衫十笏新營老學菴花事巧分殷七七

風情亦狎董三三

坡贈李方叔詩須煩李居士重說後三三謂所昵營妓董九

高才失路宜無

賴妄語欺人固不慙老我獨傷同調盡共誰茗鉉作清談

廿年以長合先亡豈意翻爲作輓章爲我前驅開覺路

比君後死殿名場作碑索謝非錢癖斫地悲歌亦酒狂

終有未消奇氣在重泉應尚吐光芒

余長君二十年嘗戲謂君他日當爲吾作墓誌君曰

如此則先生當早逝待吾下筆余笑謂遲余死正以延君壽反相促耶一時戲笑之言竟成語讖

本擬憑君作替人豈知先我委窮塵江淹誰與收殘錦

王翰空教卜近鄰

余與君共一條街

和韻詩常推勁敵賣文錢尚

賑飢民更從何處論陰德救得蒼生反殞身

丁卯捐賑君獨任其勞

暗坐

浴罷招涼夜氣清空庭風露寂無聲繩牀暗坐間難耐
起逐流螢到二更

晴雨

老天心本最公平施惠何曾有重輕何事毗連千里內
江南祈雨浙祈晴

閱綏寇紀畧感事

劫到滄桑勢莫支中原蟻賊沸如糜百餘年後聞猶慙
設使吾生在彼時

稚存歿後不及兩月劉瀛坡總戎又病故二公皆
里社朋好也感賦

老去將何遣性情祇憑里社幾忘形那堪兩月城東路
哭了文星又將星

哭劉瀛坡總戎

如此相知忍棄捐身騎箕尾竟登仙精神老未三遺矢
仕宦歸惟二頃田儒將風流鈴閣靜郎君才藻笏牀聯
公三子
皆榮仕知公脫屣應無憾獨我憑誰伴暮年

驕犬

餽粥纔供旦夕資舉家已似宦成時小庵不食無葷飯
家運潛衰槩可知

小雨

知時好雨卽恩波物罕方珍恰養禾天似欲人皆見德
只教嫌少不嫌多

自愧

求仙學佛兩難成虛負書窻一短檠年老慣爲人送死
才疎敢與世爭名興來未免回頭錯數盡何妨撒手行
只愧東山但高臥曾無絲髮濟蒼生

秋夕

獨坐空庭思悄然更無人語晚涼天爲貪月色清如水

直到三更不忍眠

又

已涼天氣未寒時
浴罷憑欄待月遲
閒與孫曾設瓜果
聽他雜坐講唐詩

瑩溪閑拙詩獎借過甚愧不敢當敬酬奉答

書生結習只雕蟲
謬賞叨稱錦繡胸
不朽名須身自定
相知人每世難逢
居貧聊享千金帚
老倦惟支九節筇
儒者當爲事何限
愧將寸管鬪詞宗

原作

蔣驥昌

旗鼓相當說兩家
蔣袁

子才心餘

鼎立世爭誇
若非我肯百

回讀誰識君才十倍加
眼底羣峯盡培塿
筆尖若个

走龍蛇暮年但惜從師晚繼起何人只自嗟

感舊

宋玉東鄰只隔牆銷魂曾記月昏黃
禪心久作沾泥絮
瞥起前塵尚斷腸

題管午思詩稿

風雅應推第一流一枝才筆渺無儔
構思直欲撚

平聲

斷使典能教繞指柔可惜官班非館閣

儻

由來家學有

箕裘

謂尊人勲山侍御

衰年正少聯吟侶何幸潘張不遠求

桂開

中庭雨過愛新涼前後俱開桂葉黃
身在衆香國裏坐
卻嫌坐久不聞香

戲調瑩溪

死盡交游絕足音更無朋舊與披襟欲聯後輩爲同輩
未必他心似我心浮白百杯嫌費酒呼盧五木怕輸金
不如還把殘書看消得分陰又寸陰

偕曼亭瑩溪艤舟亭看桂花

老去將何遣髣髴華書生豪舉作驕奢蒲鞵船上茅柴酒
邀客郊園看桂花

三丈喬柯碧蔭垂年深已作古香吹白頭三老憑欄笑

曾見靈根乍種時

桂二十餘株皆乾隆十五年所植

目暗

安得空青點眼眶糊塗過日意難降近看三尺不能四

遠望一人偏似雙

此一聯非親歷其境不知也

暗避炎光籠皂幘明貪霽

景就疎窗短檠終惜拋牆角健筆猶思百斛扛

擬閨怨

不怨別離久惟期久愈親常將舊時意看取眼前人

詩情

詩情漫索故書堆飯罷銷閒步綠苔今日不知明日句
聽他有句自然來

余方有聽他有句自然來之句明早枕上忽得人
閒無路海茫茫一句初不知曹唐詩也隨又得
雲外有天星厯厯湊成一聯亦出於無意蓋余
修文赴召之識矣補成一律記之

步虛記豈學曹唐忽漫詩來夢蝶牀雲外有天星歷歷
人間無路海茫茫讖言本不論工拙識語何須取吉祥
贏得老誇詩境熟偶然脫口便成章

曼亭瑩溪連日有詩來索戰余力不能支率此乞
降

往日詩從枕上催枕今不復有詩來想因郢曲高難和
教我韜藏莫露才

題曼亭梧桂雙清小照兼送就養坤元

碧梧丹桂絢清秋領畧風光一白頭飲興未衰吟興健
始知世有老風流

熊軾蜺旌照楚天鯉庭宦跡又聯翩更無一事留微缺

剩與人間作散仙

彩輿迎養晚增榮實爲居貧作遠行三十餘年歷歷仕
翻隨子舍食南烹

瓊林回首宴恩榮五十年來始合并贏得老夫誇口說
能教白傅喚殷兄

獨夜

麗譙梆鼓夜初長節物經秋愛淺涼殘雨濕留聲點滴
孤燈清照夢悠揚時趨競尙新翻曲舊學幾忘急就章
心事都來五更枕又添一番應酬忙

感舊

帷薄難禁兒女情紅粧侑酒便尋盟古來只有韓熙載

不爲閨房損盛名

管午思赴選病歿於清江浦悼之

龔官不合有奇才一路吟鞭擅雅裁驅得心肝全嘔出

以註
血死

朱旂纔去素旌回

君真詞有云恨不奮身于載上
赴古人未說書先說真奇句也

袍笏登場便若何榮名一念悞人多傷心袁浦秋風夜
臨死連聲喚過河

放言

幻緣妄念總蠲除獨立蒼茫想古初混沌之中生在卵
義軒以上讀何書五紋刺繡同毛褐七寶樓臺亦草廬
身不百年心萬緒何如一切付空虛

如此昇平不放狂更於何日得相狎官高崔烈榮仍臭

壽到錢鏐死亦殤千古棋枰無定局一時竿木且逢場
祇餘童耄觀河處見性依然久不忘

枕上

枕上夢初覺窻間夜已闌若無詩度日安得老加餐家
不愁懸磬名猶待蓋棺呼童晨謝客要臥日三竿

夜坐

秋來一雨一番涼宴坐蕭齋夜未央詩句鍊教生處熟
才名排到短中長塵勞誰脫千絲網世幻從看百戲場
只有及時行樂好木樨過又菊花黃

君山

君山兀峙大江南江遠浮天氣渾涵六十年前曾此地

布衣博得一襦衫

余以乾隆甲子應童子試至江陰補弟子員今六十四年矣

論詩

同此風雲月露形前人刻劃已精靈何須我拾殘牙慧
徒令人嗤照本臨滿地撒錢難入貫汲泉垂綆漫釣深
祇應觸景生情處或有空中天籟音

禦寒

木葉紛飛草盡枯書生豪富傲沾屠禦寒不怕冰霜雪
豐有熏籠夜暖盂

卽事

已逼寒威近猶騰暮景斜曝憲衣揮趁炙硯字塗鴉燮
理夫何敢光陰得最賒小春春信早先探臘梅花

老尚餘高興閒惟作小詩杜門無客屢種樹有孫枝安

晚應更號

鄭清之自號安晚

謀生擬乞祠時清身尚健不樂更奚

爲

年初偕同鄉諸公

歲舟亭

探春半年閒瀛坡稚存

相繼下世今日重遊不勝存歿之感

曾聯步履探春光今日重來泊野航一畝園仍好林壑
半年事已小滄桑人生最樂惟交契老境愁逢是死喪
便抵黃公爐畔路臨風回首獨蒼茫

牙齒盡落有咀無嚼偶見犬齧骨作硃碣聲不覺

健羨因自笑犬之不如也

不嚼何由味出來昌黎牛飼信堪哀羨他饞犬銜殘骨

一寸牙根起熱雷

懸弧賤降四房子孫媳婦并諸女皆以湯果上壽
紛至沓來應接不假亦晚年樂事也

不出門庭聚饌脩房房湯果慶添籌笑他樓護驕人處
辛苦魚鯖乞五侯

自笑

結習朝朝手一編妄期著述不終湮誰知身後留名處
不才傳以福傳

海賊蔡牽肆橫閩粵洋面十餘年今閩邸抄官兵
擊之於魚山大洋覆其舟溺死從此妖氛可熄
矣誌喜

海外遙傳奏捷音盜魁連艦竟平沉
萑苻一掃功殊速癰疥多年病亦深
鷺島旌幃開歷歷鯤身城郭望陰陰
書生本不開時事但聽銷兵喜不禁

一蟻

豎頭橫目本無奇萬蟻叢中一蟻微
徒守書猷身已誤縱成詩聖世奚裨
綵花色好非真艷畫餅名高不救飢
五岳胸中且收拾不如隨分醉深卮

暑寒雙顧

夏怕暑只要有風無日處冬怕寒
又要有日無風邊天地之大猶有憾
安得人人各如願吾將開雪窖鑿冰
井高枕北窗臥甘瓜南皮飲槐葉
冷淘寒具餅盡化炎威

作涼冷又將鶯煖炕鬢地爐火盪熾炭獸厚裘擁豐狐
辟寒之犀暖老玉又化凜冽舒栗膚客言此事亦易辦
祇須青蚨千百貫問君阿堵物何在莫作紙上空談徒
好看

晏起

三竿日已照窻扉寒戀重衾夢未歸不是有詩成枕上
何能冒冷起披衣

恭遇

皇上五十萬壽

翼

偕在籍紳士艤舟亭虔設經壇叩祝

敬賦

蕭齋頻問夜何其起赴郊園叩祝釐地是城東迎蹕處

人皆林下掛冠時
梅檀香滃春雲護
梵唄聲長晝景移
自笑朝衣箱久疊
今朝綵繡滿身披

聖壽覃恩典隆養老翼以年逾八十得拜絹綿崇肉之

賜恭紀三首

遂初久不綴朝班

帝賚猶蒙及退閒
養老愧無言可乞
錫釐早有詔先

頒優同清俸支宮
觀喜溢榮光耀市
闕莫怪放翁誇十

錦

宋制致仕後有祠祿者所領賜物各十樣錦見於翁集

歸田人再拜恩難

普天慶會共呼嵩
想見天閭淑景融
運是太和春不老

數纔大衍日方中
滄溟無警妖氛熄
繡甸咸登歲事

豐如此鴻禧逢七
度吾生幸亦幾人
同

自乾隆辛未至今翼恭遇國慶九七次

賜葛猶誇杜拾遺况逢慶典荷殊施殘牙曾吃紅綾
餅妙句慚無黃絹辭庠序榮推三老席庭階暖護萬年
枝卻憐筋骨衰孱甚不得親身叩玉墀

英兒爲我購一狐裘毛深溫厚過冬可以不寒矣

喜賦

世言輕暖真說夢麕毛要輕細要重若使豐狐薄如紙
無氈豈有暄和用英兒奉我黃狐裘氈氈脊毳一寸修
既深且密軟於絮使我快入鄉溫柔卻校羔裘論斤兩
五雀六燕衡不爽一厚在皮一在毛夫豈空言堪挾纊
乃知輕則不能煥禦寒未可資紗縠五銖衣本仙人披
我是肉身膚怕粟回憶軍前袒臂呼從戎不讓添寒胡

而今衰至甘兒祿貪擁蒙茸坐結趺只餘一事堪誇處
負此猶能健踏步不但驕他敝縑袍黑貂季子還應妬
從今不懼朔風颺當作詩人鶴氅遊白髮黃毛互輝映
教人指說老風流

消寒

冰霜如此出何之排日尋歡遣歲遲營室但期容我膝
時方葺說詩何必解人頤收藏雪水金莖露檢點梅花玉
嚶室楊枝轉眼消寒過九九春光又到艷陽時

慰友

誰不營生事憐君命獨屯殘更無月夜荒野獨行人
蠟李常枵腹牛衣不蔽身艱貞方見學吾道在安貧

編訂舊詩

但有陳陳積曾無日日新自看猶覺朕况索賞音人

間不可耐或勸余雜撰戲本以遣時日者余老矣

豈作此狡獪耶謝之

哀樂中年易感傷故應絲竹遣流光豈堪花月張三影

自諧琵琶趙五娘羅貫中曾三世啞李天下

後唐莊宗優名

竟及

身亡祇餘玉茗湯開遠

湯若士子明末殉難

留得清芬在戰場

日計

東坡日計百錢叉枕上先期飭吃齋省費擁爐燒石炭
取酣筍酒壓茅柴十干漫想何曾飯廿七聊師庾杲銚
留與熙朝歌擊壤含哺鼓腹作無懷

苦寒吟

我歌苦寒吟已巳冬至節北風闕怒號三日始稍息
涓涓長河流一夜澤腹結魚鰕凍入冰鱗鬣總僵骨我服
裘三重重重白狐腋鐵打不知痛亦復凜寒烈可憐乞
活兒褰身一敗席呼吸氣不接俄頃作人腊聞此盡傷
心忍復烘櫓櫓

英兒奉我黃狐裘
彥兒又奉白腋者毛更深厚喜
賦

伯子狐裘奉我虔
彥兒裘更暖於綿
癡心又想援平仲
尚可隨身六十年

黃狄白腋總溫柔
親喚縫人量短修
卻被旁人聽暗笑

八旬外尚製新裘

戲爲俳體遣閒

莫須有者且勿論何以文爲寧更華吾在久將公等壓
手求固不汝曹瑕心常欲按無明火事不求全也罷茶
閒遣無聊作俳語麗譙更鼓已三過

殘錦

腐儒於世竟何裨雙眼麻茶兩髻絲只有文通殘錦在
他年或可付卽遲

苦寒

至後今年分外寒天心似特困衰孱圍爐榾柮無烟煖
炙硯蟾蜍有淚潛白傅大裘長萬丈杜陵廣廈拓千間

書生開口論康濟紙上空談祇汗顏

閱綏寇紀畧書蜀亂遺事

不信人間浩劫塵一羣屠伯毒義岷後房奏樂身無首
白晝騎牆鬼瞰人殺運自然生劇賊興朝仍不列功

臣

闕獻爲本朝
先驅之資

誰知今日蕃昌景蜀錦鄉筒萬象春

蜀江如沸血流紅銅馬妖氛恣內訌縱欲逃生難避匿
漫言好殺是英雄氣憑地險濤轟峽力與天爭礮打空
論報尚餘遺恨在僅償一箭貫當中

聞有新嫁娘在途舁夫貪捷踏冰過河彩輿舁夫

一時俱陷感賦

于歸須及冰未泮舁輿村夫恃勇悍狐疑不復聽流漸

謂踏冰可速到岸興重人多忽拆裂一齊俱入沈泉灌
男家合巹杯已儲女家拜堂旛亦辦一場大喜頓成空
往歌來哭俄頃換得非河伯要娶婦路設陷坑截清盼
否則地本妬女津每見紅粧輒爲難明燈紅燭方滿堂
一面不容見此粲過涉當思滅頂凶興夫死固自貽患
卽事足悟垂堂戒捷足往往遭羈絆莫言拙速勝巧遲
履薄臨深是良算

爲劉瀛坡總戎作神道碑感賦

里閭追隨不暫離笑言如昨忽長辭天教老命差強在
留與人間作墓碑

題湯雨生騎尉秋江罷釣圖卽送之官南海

文士才華武將軀移官南發畫輪車秋江罷釣非無意
要向滄溟捕鱗魚

時聞番馬多盜

河凍

驛程凍斷沸河干夫馬紛紛索長官慚愧卅年林下叟
朝朝睡到日三竿

題慶佑之蒲伯泛月理琴圖

既不喜牽黃臂蒼作豪邁又不屑檀板金尊遣清暇書
生結習乃未除欲謝塵氛領風雅憶我依劉 禁苑東
相門子弟多駿雄君年最小才最大黑頭已奏旬宣功
普慈航度開寶筏佐薰弦理調絲桐何暇濯滄波招涼
風不如船琴兩不用贈我蕭間林下八十餘歲之老翁

步節

戛金家家爆字婁糟牀茅酒亦新
笏兒童放學官封印
樂過蒼鷹脫臂鞬

族孫自怡邀同人爲消寒近局卽席口占

有好友無佳肴清言茗椀太寂寥
有佳肴無好友獨享珍烹難下酒
今朝何幸二難并適口談心兩稱情
一年三百六十日此樂可能十之一

夕陽紅

恒寒今始霽遙空晚步河干靜不風
最是滿天雲錦爛
夕陽紅勝曉霞紅

臘雪

紛紛臘雪遍天涯飛舞寒空總瑞華
昏夜有時疑月色疎林無處覓梅花
客騎驢背吟情朗兒戲獅形笑語譁
最是老夫欣慶處來年預卜滿篝車

題吳悅菴時文遺稿爲其孫伯新庶常

同試春明景宛然俄驚六十有三年
一編帖括留遺在猶有光芒夜燭天

青箱世業在儒門存歿關心望後昆
今日爲君開口笑故人已有翰林孫

今年臘寒較甚且經月不解詩以記之

老夫忽作兒暴長竟似布袋和尚樣
不知身乃三重裘疊得毳毛來發脹
常年臘底窮陰凝今年沍寒尤變兢

雪堆十日凍不化疑是千年老冰精指雖未墮膚已裂
肩罅滲血微紅腥我披三重裘更熾一爐火猶恐寒威
無處躲古稱赤腳踏層冰世自有人不是我祇應盪酒
取酣醺難更加綿自纏裹倘逢園客薊如薊便請入薊
亦儘可

甌北集卷五十二

庚午

陽湖 趙翼 耘菘

庚午元日

朝正 絳闕集鳴珂野老惟知擊壤歌
豐樂年成春酒滿昇平時世壽人多
回思壯歲真彈指曾向名場奮決科
重赴鹿鳴如可待輕撓準擬泛滄波

百年難遇歲朝春何幸親經此令辰
天厭兩回雖省事坡詩省事天公厭兩回科逢乙榜又興賓
余中式乾隆庚午科舉人今又逢嘉慶庚午鄉試人世推排

成老物江湖嘯傲得閒身卻慚扶杖龍鍾態不稱陽和
景色新

昨歲除夕香遠內弟得一子書以奉賀

充閭佳氣藹春和唱到徐卿二子歌同是生兒君倍喜

當年相國望孫多

外舅文恭公
堂孫最切

仲氏吹簾伯氏墳長君正喜棣華繁誰知努力相爭勝

坐使而翁又抱孫

長君培斯亦
有添丁之信

醪醕方飲歲除杯繡閣俄欣送子來未到三朝先兩歲

懸知夙慧易成材

紛紛羊酒賀親鄰湯餅筵開喜氣新八十四翁來發兆

上堂親撫石麒麟

放懷

放懷漫擬地行仙屋漏微光上有天試聽衆禽俱報曉
鵲鳴常在鵲鳴先

咏史

青史閒翻覽昔因古人輩輩事如新時平易絢機中錦
世變難完席上珍到處稱臣無賴子三年不語未亡人
可憐同此含羞處一是男身一女身

消閒

消閒何處覓清娛仍守殘編坐結趺忽得新思矜弋獲
偶忘佳句費追追眼前惜少嚶鳴友海上由他逐臭夫
他日有人如作畫或疑伏勝授經圖

重向陳編續舊盟多生結習有餘情居今敢便忘稽古
細行何能受大名高枕北窗尋樂地擁書南面作長城
衰殘敢謂無餘事炳燭光猶到曉明

題忠順三娘子圖

馬上琵琶出漢宮
明妃遠去爲和戎
尚輸忠順三娘子
三嫁都宣保塞功

喜晴

累月春寒重陽和
今乍回藥苗

芍藥

偷眼長珠藥

薛稷

嘔心

開一氣同噴薄
天工不剪裁
靜觀多妙理
小憩步蒼苔
從飯館日買半雞
佐餐戲書

常時嚼蠟腐
儒餐買得家禽
侈食單公膳
一雙吾半隻
雖奢亦露秀才酸

莊亭叔中允輓詩

久知痼疾藥難醫
今竟仙遊賦大歸
他日我來新鬼大

余長素
十二歲

卽今君去故人稀生前官歷清華選死後兒皆玉
雪暉獨惜我當垂暮歲里閭徵逐更誰依

院中有芍藥而無牡丹戲書

牡丹素擅夫人號芍藥甘居侍婢卑堪笑先生欠莊重
風情只敢謔將離

有以木瓜見贈者折芍藥報之口占二句

山齋有清供氣味總相若投我以木瓜贈之以芍藥
自幸

何處偷來得此身天教晚作葛懷民少經貧賤粗知足
老剩衰孱更率真風月從來無盡藏英雄大抵是癡人
祇應獨領閒中味趺坐蒲團結淨因

詹尹何須問卜居及時行樂步當車
渡江春到花爭發過午人歸市自虛
宵怕不眠惟強酒晝嫌無事又看書
偶然食肉仍愁脹熬熟山查候飯餘

久不雨

天氣恢台望雨膏何期風急孟婆勞
春深不發桃花水恐煞村農踏桔槔

黍酒

黍酒背斟兩小卮更籌已到月斜時
莫嫌軟飽虛無力醉後猶能舞柘枝

敝裘

輕暖貂狐價百金書生空作苦寒吟
一羊裘敝偏多用

日當衣衫夜當衾

本諺語

楊雲珊自長垣歸出示近作嘆賞不足詩以誌愛
四海交游剩隻身師資豈意出比鄰向來枉自求知已
垂老今纔得替人入木三分詩思銳散霞五色物華新
從今鑿壁光堪借請益何辭步履塵

君與余比鄰

畫士顧生爲我寫照卽題幀末

山澤之臞土木身偶煩畫史爲傳真功名不上凌烟閣
尸祝寧期畏壘民窗下猶勤三寸管鏡中暗換十年人
他年留作高曾矩或有書香尚可循

又

漫傳頰上有毫添九朽功深一幅兼翻怪畫師圖逼肖

盡將老醜惹人嫌

三月十八日檀橋門首同看小茅山香會經過

竿木逢場好冶遊
小茅山會此停騶
門前來往人千萬
偷眼爭看兩白頭

熙熙人共樂春臺
二老相隨笑口開
不比帷車避新婦
聽他看煞子瞻來

不寐

宵寐匪禱到曉醒
貧牀閒聽漏聲沉
可憐甚欲求酣睡
翻要先除欲睡心

愈欲睡愈不能睡

幽蘭

蘭草青葱苗嫩條
莖盆幾箭暗香飄
令人不敢酣萱酒

始覺名花品自高

春興

東風桃柳一番新又是陽和大地春
代序屢遷身易老物華方富我寧貧
要觀後世無窮事想作長年不死人
只有學仙堪耐久卻愁修煉太勞神

空雷

有名無實每成空天亦隨人染此風
一夜怒雷轟霹靂明朝依舊曉霞紅

四月十一二等日大寒圍爐就煖偶書

五月披裘氣自雄我今四月擁爐紅
天教寒士添佳話不但冬烘夏亦烘

寓山塘五日

虎邱山下聚烟花
畫舫歌樓遍水涯
老我亦成游蕩子
順風相送不還家

五月望後正在插秧大雨連日夜不止喜賦

天似防人憾栽秧雨
遍濡聲猶聞潑刺
眊盆視糊塗表
廣逾千里新陳接
二酺老農勞亦喜
今歲又多稔

夜夢忽得熏香侍女
整朝衣一句似係
早朝詩爰足成之

羅幃頻問夜何其
爲有封章上玉扉
掌漏監奴添夕燎
薰香侍女整朝衣
九霄籟寂鐘初動
千樹陰濃露未晞
取次東華車馬集
五雲紅綬藹祥暉

賀蔣霽峯郡侯得孫之喜

孫早堪償得子遲使君頭白要含飴輸他東閣郎君福
十八青年便抱兒

堯母門應得寧馨不輕誕降乃祥徵息陰健翮培風厚

一出方知是大鵬

雉十二
月方產

我方重赴鹿鳴筵爲是庚科折桂仙八十四翁來賀喜
竟須先後敘同年

吉祥善事輳黃堂四野方將插時忙總爲使君多老福
得孫又得兩栽秧

連日甘
霖大沛

哭劉檀橋贊善

生無衣食憂仕有清華職中歲賦遂初又極林泉適如

此在世間一日勝兩日君今七十歲已是百四十寧復
有餘恫留作故人惜惟我垂暮年藉君遣寥寂情親如
蛭蛩路近可步履每當公宴會肆筵必君宅張鐵木爲
天伯有窟作室懸燈碧琉璃鋪錦紅鞵鞵看窮水陸珍
器選官哥式梨園曲翻新花奴鼓應節時復出家姬姿
首先照席憑君銜豪奢供我恣豪逸一朝舍我去此樂
寧再得橋元痛過車向秀悽聞笛從此隔幽明那禁淚
沾臆

憎蚊

豈不愛他命其如嗜我膚嘴微偏善刺聲隱更能呼物
理有相殺王鉄所未誅化魚身畏衆吾不學浮屠

如來身
化摩竭

魚以肉喂衆人
見洛陽伽藍記

過前明故宮基

萬里山河百戰收
子孫容易失神州
龍驤竟渡無天塹
虎踞空傳有石頭
遺俗後庭歌玉樹
故基羅郭鞏金甌
孝陵靈爽如重過
應有滄桑涕淚流

大功坊

中書行省大功坊
開國勛名絕輩行
草昧未開能擇主
旂常難報到封王
運移故宅空遺像
事往威聲尚戰場
今日經過一憑弔
令人想見奮鷹揚

題族孫柏南小照

滿地槐陰境沈寥
鬚童煮茗拾枯樵
我方道暑清涼界

不覺炎歊氣盡消

賦得八月萑葦

得歲時字五言八韻

江南鄉試題

萑葦森彌望閨人藉課蠶取材秋未九上蔭日眠三欲
向深叢採先從淺瀨探時方交露白色正映波藍纖箔
紋經緯編蒲縷北南象形同曲盡適用抵都藍玳瑁殊
嫌侈蟹筐本可參 宮廷嚴婦職列肆技皆諳

白頭

老壽人皆羨久留久留亦苦少朋儔徧翻除目無相識
欲作遨頭孰共遊歲月只知方未艾身名悔不早爲謀
可憐多少同心友一一看他土一抔

余以乾隆庚午舉於鄉今又屆嘉慶庚午例得與

新舉人敘先後同年適閱吳梅村集知梅村亦
庚午舉人也得與之聯譜誼殊深榮幸

發科同歲本非親聲氣相聯誼亦敦攀附名流吾最幸
敘同年直到梅村

重赴鹿鳴宴恭記四詩

歲又逢庚赴舉忝賓興筵許附榮光老僧回証初禪地
退將重經舊戰場見獵取云心尚喜收棋聊幸拙堪藏
綴行同出人爭笑白髮翁隨白面郎

歸田卅載臥江村十笏書齋兩板門豈有才猷供世用
祇將老壽倖 朝恩

恭遇 聖壽萬恩已
拜綢繆酒米之賜

身謀已刻鳩爲杖

眼界從嗤蝨處禪敢復誇張年少事從戎曾役百羗渾

重赴金陵四日程滄江如舊布帆輕曾經鉅鹿沉船戰
再聽春蠶食葉聲九折坡猶心畏蜀三神山孰步登瀛
風簷弋獲原非易多少文心耗短檠

未得追蹤洛社英喜從新榜結齊盟敢期同輩尊前輩
未必先庚勝後庚智可識途推老馬才慚橫海掉長鯨
鹿鳴重宴已非望還想瓊林再舉觥

感事

表枚蔣士王利錢大總聽髯幡未曾會到後同科老夫大
有堪誇處才不如他壽勝他

赴江寧途次奉

恩旨加三品職銜准入鹿鳴筵宴再紀五詩

布帆安穩出橫塘隄柳纔秋葉未黃此去不須三
寸筆重來已是滿頭霜也勞送別如征客豈尚求
名赴舉場聊比看花踏陳迹元都前度老劉郎

遂初豈意忽遷鶯爲慙鄉闈兩鹿鳴曾是昔年辛

苦地重聽嘉宴管絃聲席間多已先科第

監臨及監
試提調皆

由科第榜上何須有姓名自是

聖朝修盛舉衰孱敢濫廁耆英

曾叨

先帝舊朝臣久作還鄉賀季直敢望

紹庭收廢籍再蒙進秩換華紳青雲一榜新先輩黃髮

三朝古老人回首生平最慙處翻教感切淚沾巾

早朝曾趁露華晞久疊巾衫黯不輝佚老只宜居

士服希榮翻製侍臣衣蔚藍頂上明更暗

道員青金石頂三品

用透明藍琉璃頂

繡補胸前走變飛

道員解多補服三品用孔雀

更喜家居無

職事維鷄得免曠官譏

先後同年

先後同年強作儔不曾同試月燈毬周忱自願為挨宿

欽若終嫌是贅疣退院身惟隨粥飯緯蕭人已狎鳬鷗

豈知六十年相隔還向時髦結輩流

周忱館選時已取二十八人以應列宿忱自願讀中

秘書選入選時請之挨宿

制府松公湘浦贈三品冠服賦謝

恩詔加銜寵腐儒卽蒙購贈適相需正思艷耀榮

君賜恰好莊嚴稱我軀韓尉豈誇衣錦繡管寧仍戀布
裙襦祇應大雅扶輪力要侈文昌聚謠圖

奉和監臨廣撫軍省堂見贈原韻

發解筵前鼓樂鳴腐儒何幸得分榮直將局外殘棋着
來佔人間畫餅名疎懶久成都散漢引援應作老門生
只慚悞玷山公啓夾袋中人到列卿

原作

廣厚

天向留君賦鹿鳴

用集中句

仰邀

賜爵羨

恩榮數編旣北詩人集一代江南才子名若論甲科
真後輩敢言推薦卽門生竚看再拜瓊林宴百歲

官加二品卿

隱仙菴看桂

隱仙菴桂百年柯金粟乘秋燦曼陀怪我出門蜂蝶繞
只緣坐久染香多

前朝寺觀遍城坊都出權閹勢力強獨有此庵留隱迹

故應俗煞衆貂璫

和傳前明守
備太監所造

自隱仙菴至隨園一路綠陰可愛

九折三灣徑路深蔚藍天際耐幽尋臭椿苦棟何須問
只要途間有綠陰

贈姚姬傳郎中同年

名震與余
同赴鹿鳴

朋簪良晤苦無緣幸值賓興共綺筵十五省稀重赴宴

今歲江南鄉闈重赴宴者惟與姚

鄭二人聚蒙賞三品職銜與四品職銜

廿餘科又續同年

新科舉人例得
敘先後同年

未甘老病人扶拜爲有

恩榮客賀遷傳與儒林作佳

話江南江北兩華顛

隨園弔袁子才

隨園風景尙依然今日重過剩故阡花藥尙爲才子艷
亭臺能守後人賢十年俯仰成陳迹並世交遊亦宿緣
老我獨傷同調盡臨行能不重留連

燕子磯

燕子磯邊坐結趺嵐氛雲氣雨模糊平明放棹棲霞去
一幅烟江疊嶂圖

夢亡弟汝明

久不音容接驚看異舊時一寒何至此逝者竟如斯經
讖聊追福紙錢或冥贊惟將兩行淚滴與九原知
聖誕日早起艤舟亭行禮

久不朝參憤宵眠恐起遲誰知一覺醒猶是四更
時曉夢驚僮僕填枵具粥糜何當將此意上達
九重知

外孫湯文卿巾式舉人喜賦

我方重赴鹿鳴筵又喜東牀有後賢一代賓興傳異事
外孫外祖敘同年

哭蔣瑩溪

死盡交遊只剩君君今又去更誰親想因我命應孤獨

先降災星到故人

山陽笛已渺難追數盡寧論日早遲君去不須愁寂寞
我來應亦不多時

飾巾待盡便登程屬纊惟餘我送行眼看垂危無術救
剩將雙淚寫銘旌

題明末肇高雷廉瓊五府巡撫李武舟家傳後

掌大山川瘴海濱前朝殘局有勞臣馬場十八先生外
又一孤忠殉國人

是何節度強支持戰敗丹心死不移并少一杯乾淨土
預題止水後園池

稱詩

稱詩何必苦爭新無意爲詩境乃真水月鏡花言外意
雪來柳往景中人江東杜甫雲垂暮枕上歐陽夜嚮晨
莫食地肥烟火氣仙人掌有露華新

五更不寐

倚壁燈光小炷留宵眠醒必五更頭吾身自有時辰表
不用雞人報曉籌

題金素中太守西瀛小築圖

家傍黃山客晉陵寓齋十笏占西瀛雅人所至皆名迹
况有林巒結構精

曾驅五馬走驂驪澤遍閩南又濟南縮本摹來雖尺幅
胸中海岱已全涵

里俗戲劇余多不知問之僮僕轉有熟悉者書以

一笑

戲段流傳本不經村伶演作繞梁音老夫胸有書千卷
翻讓僮奴博古今

村劇有鄧尙書吃酒戒家人有乞詩文者不許通
報惟酒食相招則赴之余近年亦頗有此興書
以一笑

老怕驚塵費往迴蓬門無事不輕開乞詩文者俱相拒
或有佳招我自來

安樂窩中簡送迎苞苴來亦領人情明知未必皆真意
或有人猶愛老成

佳句

詩從觸處生新者輒成故多少不傳人豈盡無佳句

夢偉兒

多年不見見逾親相對惟餘淚清巾夢斷不知何處去
殘燈無燄碧如燐

老友莊似撰

別字處

官關陝三十餘年浮陞牧守今年

老致仕貧不能歸遠承書訊詩以寄答兼望其

早回

朋簪氣誼最相親一別俄驚三十春顏狀久應青髯改
情懷猶是白頭新遊踪王粲登樓賦近局陶公漉酒巾
得及此生重見不六家都是暮年人

君今年七十
六余八十

寄來書札尙專精想見康強老眼明躁進不爲偏躁退
高官已做又高名晚年樂事惟良友家計貽謀付後生
我已移居履道里速來相伴作者英

蟻陣

萬蟻紛紛各逞強縱強能占幾封疆可憐不自知微末
結陣居然作戰場

庖人具羊肉味極雋美戲書

食單空滿幅雋味獨烹羔既飽仍願朶非飢亦
誇燒胃爛應是易牙調口福今何幸儒餐無此肴

曝背

曉怯霜威犯髩皤擬營暖室怕錢多牆根有日無風處

便是堯夫安樂窩

重赴鹿鳴詩海內名流屬和者三四千首暇日編輯長卷戲書於後

桑榆景受

國恩深引得名流共苦吟白雪一歌無下里朱絃三歎有遺音癡心尙想佺喬壽佳話仍添翰墨林老健未須嗟大耋聊將鼓缶當鳴琴

江南豬

揚州一屠肆專賣江南豬不論肉多寡印以紅圖書其價貴什一遂爲衆所趨豈知毛已去誰能辨肌膚倘遇石季倫味別雞骨鳥不免贗物敗貽笑桑福姑

再哭瑩溪

舉目無親剩隻身觀居此世亦何因強援後輩爲同輩
又看生人作死人纔是對牀風雨夜俄驚餞臘柳梅春
淚絲有盡悲難盡八表停雲獨愴神

日暗

作文須識字

景

老眼欠精明尙擬攤書課幾同潑墨成

之無非姆教

香山生七月
識之無二字

何況豈人名

鄭以偉入閣票旨以何況
二字爲人名見明史本傳

拚得雙眸眊糊塗過此生

虛名

虛名久已積年陳猶聽無憑宿世因難道虛空如此大
不能容得一傳人

再題諸名流屬和重赴鹿鳴詩長卷

工歌堂上奏萃蒿重憶賓興典物昭禮樂尙存三代古

衣冠肅拜

九閭遙

宴前先望闕行禮

文昌風景描難就司隸威

儀靜不囂我比新郎君更幸榮遷不藉燭三條

三考

昔人三考纔三品撫字心勞有况鍾

見明史况鍾傳

愧我身無比

社責坐膺此秋比酹庸

輪迴

莫飲迷魂湯一杯

相傳人死後飲迷魂湯則忘前世事

佛家原說有輪迴只慚

黃髮扶筇叟翻同來生作小孩

雜感

人謀常向巧中疎陸放翁蘭偶當門本易鋤枉自守株猶待
兔幾曾緣木可求魚曲肱與室閒無擾曝背晴軒暖有
餘任是塵緣蝟毛集吾身自有指南車

擬旅思

家在江南黃蘗村浪遊何日返柴門日斜疲馬荒山道
中有羈人未斷魂

歲晏

老猶頑健眼纔花似覺年光尚未涯館閣人皆成後輩
詩文集頗列名家身無遺憾常安枕室有餘閒自煮茶
預喜麥收炊餅大陳瑩中擬傲京華

重赴鹿鳴詩和者既多或勸余刪潤勒成大卷書

以見意

牛腰麈卷聚文心都是名流大雅吟聊喜拋磚能引玉
豈須點鐵始成金人才輩出如連茹同氣相求自盍簪
贏得老夫誇口說苞苴滿屋總珍珠

紀夢一笑

卅年屏跡隱蒿萊夜夢無端見斗台我不憶他他訪我
得非富貴逼人來

同在夢中夢猶期人上人似聞玉皇案待我備朝紳

豐收景象

歲酒何辭罰爵先三蕉葉後便安眠欲知今歲收成好
爆竹聲多倍往年

夜寐

麗譙柳鼓月昏黃最樂無如夢蝶牀堪笑錢郎圓木枕
畢生不到黑甜鄉

旬日無詩

天機雲錦朗昭回刀尺徒勞費剪裁怪底經旬無一句
等他有句自然來

五更不寐

結習難消已作魔夢回不覺續吟哦雞初鳴到雞聲歇
枕上詩功兩刻多

星斗闌干月下絃沉沉柳鼓夜如年老人夢醒荒雞叫
窗外窗中兩不眠

遙知霜氣颯寒空小炷留燈一穗紅臥榻旁偏有鼾睡
髻童頭已觸屏風

所見

世風日下似頽波蒿月何當挽魯戈暮夜乞憐猶有恥
如今白晝乞憐多

豐景

歲朝春果大豐年四野歡聲遍陌阡米價頓輕幾減半
人情愛好不求全墓少乞墦餘祭肉村多賽社沸神絃
只嫌穀賤傷農處賣到街頭不值錢

米貴時牛三四百
次今百七八十文

臘月廿四日大雪

曉窗驚見雪成堆
預卜豐登遍九垓
堪笑此翁都不管
只誇步履可探梅

窗前雞

捉來便殺亦何傷
窗外相依日已長
不覺慈悲心一動
也如堂上坐齊王

嘲梅

南梅北杏各爭妍
地氣人工有轉旋
鄧尉山前香雪海
如今真欲變桑田

種梅處多改種桑甚利厚也

水邊籬落影橫斜
品格高寒第一家
何事不知先避俗
官方開印亦開花

野夫

網漏吞舟一野夫少年館閣晚江湖詞林故事惟香茗

求宗道作相英倪元璐屢言事謂宗何必多言詞林故事惟香茗耳時稱爲清客宰相見明史本傳名士高年入畫圖陸放翁詩圖扇家

家畫放翁寧復鑼聲催傀儡已收撞末舞都盧只慚詩

不求工處共笑吳歎膽太麤

甌北集卷五十二終

甌北集卷五十三

辛未

陽湖 趙翼 雲松

辛未元日

燭影搖紅燄尚明寒深知已積瓊霰老夫冒冷披衣起
要聽雄雞第一聲

纔看重赴鹿鳴筵况值江鄉大有年天幸已多非敢望
飯緣未滿似猶延惜無好友聯裾屐剩有閒情付簡編
早喜春光引清賞傍花隨柳過前川

修短

修短難憑日易斜彭殤同度此年華也腐人壽原無定
引我高年願尚賒

新歲

新歲猶遲淑景融已看兒女換青紅
輿夫製得新棉襖昇轎街頭也自雄

袖手相看畏朔風人人都想擁爐烘
不知凍面皮皆赤只道貪杯發醉紅

大寒

大寒節候正寒增添得寒衣又幾層
曷旦鳥先愁露宿乾干雀轉願無烝

凡昌黎詩意

織爐熱減紅無餘殘雪凍乾白

有稜卻是今年時令正太平日月倍升恒

紅梅閣探梅

滿街簫管競繁華閨歲春遲柳未芽
趁得今朝風日好

紅梅閣上探梅花

節物今年雪兩回老夫踏雪要尋梅江南今歲春寒甚
二月中旬尙未開

閒民

中歲歸田賀季真四民之外一閒民敢希孔廟廡間肉
猶是盧生夢裏身光景常新惟好句取攜不盡是芳春
只慚自命居何等老作吟窓擁鼻人

探春

何處探春作冶遊教人指說老風流影娥池上凌波步
初月梅花第一樓

浮論

浮論無稽槩可刪墜淵加膝相同環適從何來蠅集此
聊以充數蝨其間丈夫動足有萬里寒士待底逾千間
局促轅駒豈足道出門一笑開心顏

江陰別業頗有竹木之勝率題絕句

邵堯夫偶結行窩虧得前人剩澗阿屋宇要新罔要舊
貪他老樹綠陰多

常時只想避囂塵晞髮扶桑未有因今日始看林壑就
可憐已是白頭人

杜門

杜門謝客靜無譁一縷爐烟白煮茶茹素詩兼蔬荀氣
服麤心賽綺羅華雪消簷溜晴天雨梅映池痕水底花

清景眼前隨分好何妨卽此送生涯

閩邸報有粵西宜山縣民藍祥年一百四十二歲
聖恩賞給六品頂戴

御製詩章匾額並建坊銀幣恭記盛事

兩古稀年并一身昇平人瑞有耆民直從九老香山會

千有餘年見此人

香山九老會惟李元爽一百三十六歲僧如滿九十五歲餘皆未九十

人生誰不慕高年百歲光陰已似仙到得添籌添破格
教人不敢想隨肩

計年杖國兩輪回省得浮提又換胎卻笑癡頑駘背叟
君年六十我纔孩

寒甚

寒戀重衾夢尙迷臥聽柳鼓小樓西家風熟我刑于化
懶到荒雞亦少嘯

題范洽園編修詩稿

海內生才本有涯幾人彩筆擅江花古人好句吾猶妬
況遇同時大作家

虎邱後有一三足犬其足前一後二吠而不能行
又有一六足牛其四足如常牛背上忽增兩足
但下垂而不至地當額有圓肉瘤肩上有有一
孔深三寸許察其皮毛皆渾然天生非人力所
矯揉者人間所未見也

物反常爲妖走者蹄必四何哉虎邱塘唱唱傳怪事犬

則少一腿牛則多雙跂遂使來往人爭解慳囊施吾聞

三足能

者附平聲

羽淵昔爲癘亦聞一足藁超踊能作氣爾

犬顧何爲蹄前一後二但解偃臥皞難使逐狡噬縱戴
進賢冠階下怎拜跪縱錫儀同號馬上誰抱置崖柴狀
可憎喫咬猛須避偶然一骨投匍食力徒費車聊歇驕
載書難黃耳寄吾聞太牢公負重遠能致形雖龐然大
汪則馴可肄在滌謹秣芻大饗肅賓祭角防鼯鼠鑽牢
故輻衡衛駛蹄沙行駝團跡磨旋蟻蒲羶可挂書揉木
可于耜聃黷犒師功攘利蹊田計胡爲體槎枒肩若增
兩臂徒可赴順風卻難履平地得非夜鳴瘡病散在肢
體遂使拳筋骸贅疣作虛器此一大一牛見者競駭異

方今世昇平運正郅隆治麟鳳在郊椒魑魅屏荒裔而
乃兩不祥變幻出衢市沴氣偶獨鍾固無大關繫水孽
非支祁山精詎負貳見怪不之怪怪乃自消替譬如木
有癭禾苗有秕穗卽在橫目民豈無殘疾廢四肢或不
仁五官或不備總在燾育中難守拘墟智狃狃重鉅慮
豢之守門第牯牯千斤鍵殺之享軍士免使庸耳目諾
臯炫聽視

靈巖山館弔畢秋帆制府

靈巖山館好邱樊吾友居停席未溫過客尙尋清閼閣
籍官幸免奉誠園錦帆涇駛無游舫響屨廊空有斷垣
太息盛衰纔廿載徒令憑弔一銷魂

元墓看梅

元墓看梅破曉寒遲來數日已開殘替身幸不辜來意
開遍山山白玉蘭

到家正值山茶花盛開

尋春步屨遍蘇臺帶得餘香轉權回笑比秦宮花裏活
到家又值海紅開

湖塘橋看神會

錦天繡地破囊慳可惜都忘物力艱要是太平真景象
二醵旣飽得游閒

昨歲檀橋門首與同看小茅山會今檀橋已故香
會又屆期不勝感愴

昨歲歡場共冶遊小茅山會此停騶傷心重過烏衣巷
兩白頭今一白頭

長齋

長齋竟日斷羶葷阿耨香清手自焚莫道貧儒少康濟
餵雞餘粒雀還分

歸田

不是歸田早何因萬慮輕境皆胡蝶夢書亦野狐精聊
取含飴樂猶貪畫餅名後人應歎羨到老享昇平

天籟

鳥語花香孰主張春來無物不含芳荒雞不自知天籟
每到應啼便引吭

哭筠浦相公

晚景何期有此哀通門高竟泰山顏生多遺愛留三

歷官江省最久

歿尚賢聲遍九垓老健不須扶杖拜

恩深未敢乞身迴

公常有乞身之思以恩重不敢

獨憐衰朽將誰倚無復

餘光到草萊

交誼苔岑五十秋喜聽揆席懋勲猷登龍門有人增灑
旋馬廳無地晏游別久尙期杯在手年高應亦雪盈頭
平津閣卽西州路那禁羊曇涕淚流

靜中

靜中觀物化觸處見生機蛙蚓皆天籟藜蒿亦地肥波
空鳬泛泛風軟燕飛飛我不談儒理仍如鼓瑟希

偶得

果入輪迴要換胎得新軀殼亦何哀只嫌老馬爲駒處
八十翁翻作小孩

畫蕭齋手一編非關積學爲消閒不知銅臭胸無字
何術支他目似年

入耳賊

元禮門高萬仞岡肯教代作嫁衣裳四知金到雖麾去
已是人間入耳賊

有人乞副憲孫薪向地方官說情許以厚賂薪斥去之
謂此言聞於我卽是入耳賊也見姜南軒里子筆談

城北門外有長濠一道萬柳參天綠陰可愛偶因

拜客遇之率賦

晉陵城北古濠邊千樹垂楊罨野烟八十年來身未到

今朝始識蔚藍天

午節前連日大雨誌喜

連日幾憂旱今朝犁盡翻天曾無德色人已定驚魂豈
必土龍乞早看秧馬奔多稔先有兆大稔遍江村

又

彌空解澤信知時城外栽秧內水嬉苦樂雖殊情則一
大家都快雨淋漓

內姪劉慕陔運副自潮州致政歸里喜贈

敬厯功高遠引年生平宦轍總遐邊南經陸賈降陀地

西闢張騫鑿空天

先會駐西
藏二年

拾級正堪前齒屐收筵偏趁

順風船始知身處脂膏潤原有文臣不愛錢

新晴民皆跨街晒衣肩輿多從襦褶下過

積雨初晴衣共晒街懸窮袴襦褶多老六不受淮陰侮
也復低頭胯下過

水閣看龍舟競渡

水嬉金翠活龍鱗遊舫千艘沸水濱舉國若狂吾亦頗
屢豐年歲耄期身

不寐

不但飛蚊擾周防徹夜勞癢從毛孔出癩突塊痕高恨
不多添手來供到處搔何當秋早到酣睡得通宵

暑不可耐劈瓜六片分縛於胸膈項背以敵炎歊

戲書

抱水應笑越王癡貼得瓜瓢冷沁脾翻似漆身爲癩子
滿身紅得血淋漓

養生

緣蔭難購且黃精垂老方纔講養生羊去補牢殊已晚
豚追入笠又何驚新詩寧復論工拙故事偏難記姓名
此卽南華飲河法何須遠慕北溟鵬

窗雞

粥粥呼來矮屋西可憐啄食只糠粃有時竟日無人喂
猶奮飢腸盡力噉

晒衣

已似毘盧偶掛單腹無書晒愧詞壇羊頭簽敢窮珍饌

犢鼻褌聊傲涼竿一息尚存延喘易百骸俱敗復元難
巾箱遍檢衣衫晒似尙先籌禦歲寒

剝啄

偶聞剝啄打柴門輒厭蒼苔屐齒痕世已我遺成棄物
更從誰去借餘溫年衰敢冀身還健食少差欣事不煩
朝粥半甌宵一窻又看秋信到江村

夜起

不知是曉光抑是殘夜色但覺一片清新涼徹肌骨

自幸

兩板衡門二頃田書生願已不虛懸慚他踏鼓東華客

高臥江湖四十年

余自四十六歲歸田今八十五歲里居已四十年矣

千株垂柳綠當門
罨畫溪山是此村
何必平泉金谷墅
有濃陰處卽名園

勇退

生長江南髧已皤
也曾績學戒蹉跎
書生敢與人論福
尤境惟期樂有窩
膺仕榮華辭最早
太平歲月享尤多
倘非勇退甘閑散
或恐亨衢有折磨

孫曾

孫曾羅列要遨頭
披簿呼來作近遊
吃飯穿衣吾不管
燕貽各有乃翁謀

冒雨尋菊

節過重陽菊遍開
也須晴爽好銜盃
有何急事東籬下

帶水拖泥笠屐來

流光

流光坐擲寂寥中天以無聊因此翁老去作詩多七絕
又從廿八字求工

幻夢

卅年屏跡隱蒿萊夜夢無端見上台我不憶他他訪我
得非富貴逼人來

上塚

已是橙黃橘綠天出郊滿路說豐年
柁樓斜挂金銀鏹
知往鄉間上塚船

浮論

毀有求全譽不虞祇應自握定心符絮衣頻喚縫人補
藜杖聊當侍女扶蠅可遠飛緣附驥馬經屢寫或成烏
識真自有蘭亭本肯逐時流說堯枯

皓首

皓首猶勤手一編叢殘舊稿卷盈千虛名垂老將傳世
活一年多百十年

秋風

十笏書齋坐沈寥門無俗客把門敲秋風吹落梧桐葉
露出梢頭老鶴巢

蕉鼓

蕉鼓三搥夜嚮明書生事已近殘更壯夫不爲雕蟲技

下士大笑蒼蠅聲冷藥尙留殘菊艷早香漸綻老梅清
小春已覺風光好預擬尋芳帶酒鐙

涼枕

永霜氣已失暄和涼枕如何戀夢多莫是壯心猶不已
暗中自煉鐵頭陀

德生笑余冬月尚枕涼枕不知余終歲持枕此慮頭面有虛火也

揚州

綠楊城外泛輕艫放眼先開四望窓柔櫓搖如魚掉尾
快帆掠似鴈橫江馬頭冠蓋長亭路牛背兒童短笛腔
回憶昔遊將廿載依然風景似鄉邦

消閒

消閒還藉讀書功已似殘燈微不紅年紀益增學益退

得非真个老還童

坐守

經年坐守故書堆一事無成信可哀
始覺孟嘗門下客雞鳴狗盜亦奇才

水轡頭

治坊濱遊船將泊先快當
櫓急搖三匝名水轡頭

俗愛嬉遊是虎邱翻新市語亦風流
治坊濱裏船將泊先放三回水轡頭

壬申元日

新年又益海籌長八六耆齡力尚強
笑引古人相比較居然已勝郭汾陽

汾陽年
八十五

臨北集

卷三

三

窮陰匝月困愁霖我道將來必有晴今日果如吾所料
一輪紅日滿窗明

早醒

荒雞膈膊一燈昏風露寒侵夜嚮晨蕉鼓未終殘夢破
人間第一早醒人

閱明史有感於萬安罷相道上看三台星事

遂初中歲賦歸來憑仗昇平養不才四十餘年高臥穩
豈猶回首看三台

論詩

在官日少在家多擬奮才名耿不磨今日詩篇頗傳世
不知久暫究如何

杜門

深巷春寒少物華
杜門聊喜靜無譁
筆花五列書通畫
蕉葉三杯酒吃茶

多飲酒三小杯渴則以苦茗解之故云酒吃茶

老閱人情今舊雨閒

占天意暮朝霞待看爛熳韶光遍
自覺飛騰暮景斜

送億生赴關中書院

飢驅從未慣此別最酸辛
君去三千里吾將九十人
定多懷古作聊救在家貧
尚冀歸來早相攜酒一尊

僮約

少日曾嗤處禪老
來習懶漸成真
預頌僮約如軍令
除了看花不出門

長晝

掩關長晝守蘧廬何物消閒度索居虧得健忘無記性
古書看過似新書

紫薇花

一爐香篆一甌茶點筆研朱日未斜看到古人詩妙處
渾身癢似紫薇花

論詩

詞客爭新角短長迭開風氣遞登場自身已有初中晚
安得千秋尚漢唐

郊行

桃蘂將開杏未殘出門隨處引清歡祇將野色供詩料
俗煞岐公至寶丹

重陰

天容如墨晝須燈黯湛常如宿霧凝我欲出頭天外看
不知上有幾多層

杜牧詩

詩家欲變故爲新只爲詞華最忌陳杜牧好翻前代案
豈如自出句驚人

生計

偶然高興早歸田又不能營什一錢佐飯有羹惟剪韭
製裘無力且披綿虛誇紅藥翻堦色漸似黃楊厄閏年
只有香山解娛老楊枝駱馬重流連

塘橋雨中看桃花

春漸暄和柳放芽扁舟閒泛攬韶華莫嫌暮暮朝朝雨
且看年年歲歲花路是近遊纔廿里市雖小集有千家
出門何幸天緣好又見新晴綢晚霞

示兒輩

世業青箱孰護持祇應擇地避歎危犯而不校人何怨
富果堪求我亦爲娛老只貪無事福尋芳猶作有情癡
只慚多少佳風月供我書生遣歲時

枕上忽得花無桃李非春色人有笙歌是太平一
聯洵屬佳句不知是前人成語抑係偶然鄰來
爰足成之

枕上猶聞夜柝聲忽然得句未經營花無桃李非春色

人有笙歌是太平脫口自因詩境熟入懷豈拾唾餘成
只慚造語非親製贗本蘭亭浪得名

後得都穆南漳詩話乃知此辨係明人楊孟璫所作

明初詩人有高楊張徐四家謂高季迪張來儀徐幼文楊卽孟璫也

掩關 手巾初冬續刻

不是先生故作高掩關默坐度無聊磨牛踏處惟陳迹
梁燕歸來尙舊巢少日氣曾冲北斗老來甘自守東臯
只慚如此收殘局空負詩中一世豪

手一編度日竟作常課而每日應行之事轉視爲
冗散漠不關心書此一笑

嗜痴拾唾一癡翁只道攻書可啓蒙誰識廢時失事處
翻存辛苦讀書中

蕭齋

蕭齋燈火讀書聲中有顏唐一老生才短本無經世
時清敢尙去官名茶烹北苑筠爐火芋搗東坡玉糝羹
此境儘堪娛永日何須別結鷺鷥盟

書賀雲瀾內姪得子

洗兒盆暖試囁聲喜氣祥光溢戶庭八十六翁來作賀
便如南極老人星

閒寫

不衫不履不衣冠獨立蒼茫樂老槃涉世更無同輩在
聞名都作古人看語方接席須重譯候未披棉畏薄寒
說與外人渾不解瑤琴何必對牛彈

俗以不知音者
爲對牛彈琴

八月廿三日艤舟亭看桂花

不信高年偶冶遊能招衆目共凝眸
桂花香裏人如海不看紅粧看白頭

答崔曼亭觀察同年見懷原韻

四海靈光獨巋然朋簪喜有老同年
填胸古籍文爲富脫口新詩句欲仙

熊軾巡邊無賊壘

君觀察湖南教匪不敢入境

鯉庭迎

養有樓船

今就養別署南汝光道署

何當千里來相訪兩叟同垂盛事

傳

壯年宦跡各飛鳴中歲歸田始結盟
已莧庾郎三韭菜不嘗樓護五侯鯖
傲霜老態空雙髻畫餅虛名遍八瀛
聊趁秋清風日爽好尋菊圃賞繁英

附原作

科名宦績兩巍然一賦歸田四十年日課新詩猶下

學手拋拄杖似飛仙卽今嶺海棠留蔭先生曾守廣州卻憶家

山桂艤船客秋見招艤舟亭探桂載詠鹿鳴三品貴好將佳話萬

人傳

牽舟江上冷鷗盟何意天南萬里行聲叟休官仍渡

落衰年幻蹟出蓬瀛粵東距海尤近倦吟笑我囊無錦健飯輸

君飯有鯖余久絕腥食更羨靈光存碩果幾時高會續耆英

蟻羣

眼看古往又今來蠕動何窮萬蟻堆我亦蟻中之一蟻

何能突出蟻羣來

忽得偉兒遺扇感賦

雲烟過眼散紛然遺跡猶留便面傳他日我來尋去路
不知何處大羅天

藍菊

豈向藍田壑裏遊白叢紫艷滿平疇桂前荷後無花看
賴汝彌縫一段秋

癡病

中歲歸來忽作癡有官不做去吟詩如今癡病剛纔好
已是殘年逼耄期

牛塘橋懷古

明初取常州徐達
被圍於牛塘橋

開國名臣此詰戎曾經小舄陣雲中世無百勝英雄將

地有重圍捍禦功今日平疇禾遍綠當年堅壘血流紅
經過始覺吾生幸一樣川原不戰攻

郡城菊事甚繁好事者又標以美名有曰醉楊柳
者有曰粉西施者於陶家本色去而益遠矣書
以一笑

種菊陶籬得地偏誰知物性有推遷而今也帶胭脂氣
艷紫嬌黃各關妍

楊舍道中

心齋長日守東臯偶泛輕橈散鬱陶野籬過船搔背癢
矮牆取果等身高翠微得雨山新沐黃茂登場地不毛
九月授衣吾已具豈煩人贈舊綈袍

高年

共說高年好高年敢自尊與誰談舊事舉世厭陳人詩
已寒蟬噪心猶尺蠖伸桑榆留暮景珍此歲寒身

江陰道中

一枝柔櫓泛輕橈橘綠橙黃九月交碎石砌牆無縫巧
老藤絡土有根牢豐年野宿無心警永夜清吟亦口號
倚檻莫愁風露冷巾箱尚有舊綈袍

獨立

獨立蒼茫度寂寥結廬人境穩東臯翠微經兩山新沐
黃茂收場地不毛野籬過船搔背癢矮牆取果等身高
只慚好景無佳句空負詩中一世豪

鄉居

畏壘鄉居似野僧
蕭然氣味冷如冰
割禾地頓低三尺
種麥田翻顯百塍
露積場皆堆突兀
新斲人有醉懵騰
老夫倚杖柴門外
閒向斜陽數過禽

宵行

旅跡孤無伴
宵行限有程
嘯聲何處鬼
村影尙非城
足倦屢嫌重
衣寒翻覺輕
何當一甌粥
燈火候深更

題黃道婆祠

松江初來教人織布者

一技專長濟萬邦
故應祠廟赫旌幢
高樓占天不占地
平水通海又通江
未有蠶桑人挾纈
共勤機杼女鳴窗
君看鶯脰湖邊月
夜夜寒燈剔短缸

過靈巖山故人墓地已易主矣感賦

買得青山作殯宮書生願力故豪雄

主人購此地願費心力

豈知身後

牛眠地又換生前馬鬣封藁石纔鵲新勒碣護墳卽用

舊栽松靈巖一片佳山水留作他年弔古祠

公自言吾墓此使人長指某人

之墓足矣

漸矮

上堂須要攝齊升舊著衣衫覺暗增兒輩漸長吾漸矮
聊欣跨寵有先徵

孫武子祠堂假山石歌

是誰巧琢山石秀不取其肥取其瘦百萬蜂窠紐作堆
藕孔玲瓏竅穿透俯瞰將身入坎窞仰睇鑿翠開戶牖

人工巧處卽天機斧斤無痕似絺縵我思朱勳常年貢
花石搜盡吳門好岩岫黃紙封來便屬官發屋毀垣肯
遺漏此石不知何處藏米顛恐無此長袖獨思孫武本
將才投石超距指揮就豈屑更占風雅名今人拄笏看
礪齒歎位置一卷想傳後我將遠馳域外觀姑妄言之
列坐右移作夔府城邊八陣圖長在江心噴濤吼

捏塑傳真

虎邱陸起元以捏塑人像稱能手余亦
令其捏成一龜供以小龕戲題於左

我聞西天大秦國一大佛像高摩天百尺椀竿胯下過
只如淮陰受侮惡少年自從象教西來後中土彷彿遍
八埏畫家亦有寫生法縑素尚扁此尚圓劉鑾楊惠各
絕技技出妙手兜羅棉身隱帳中聽人議肥則稍減瘦

則添遂令一身化作千百億心縱未廣體自胖我來成
邱偶遊戲三寸小龕安位置醜面泥美人空心紙皂吏
一樣翻新擅絕技笑我方師天竺古先生乃與此曹同
把入林臂

哭李喬生郡博

朋簪同數幾心交腸斷揚州廿四橋步屨過從無半里
盤餐留話動連宵喜聞質庫開闌闌更買高閣俯麗譙
獨有故人餘老淚更無灑處湧如潮

相國尹文端公節制兩江四十餘年遺愛在人久
而弗替今蘇州新建名宦祠奉神主入祀翼以老
門生得襄盛舉欣忭難名敬賦以誌

傑構尊嚴五百弓名臣入祀典儀隆死如可作吾誰與
沒尚難忘世自嘉樹好栽丞相柏孤標獨挺澤陽桐
尚留白首門生在親見勲庸勒鼎鐘

經史翼宸故居

城東經過舊青門天尺軒猶綠蔭繁
三步回車仍腹痛最難忘是舊承恩

香牛皮席

香牛皮席擬涼生汗漬無眠直到明
笑我著書曾未寸翻教忝竊汗牛名

病起

癸酉秋

風寒暑濕病相乘此亦何妨撒手行
勞動滿城相問訊

雖非姻舊亦關情

爲人寫墓銘後戲題

老去羞留疥壁塵書丹遣寫墓碑勻百年白首回歸日
五字蘭亭不損真帶減腰圍幾一寸筆麤腕力尚千鈞
他年藝苑傳佳話竹垞貪多恐笨人

雨

今年天總代農耕欲雨而雨晴而晴不知何福能消受
翻恐都驕作惰民

宵寐

有語皆成夢非魂亦作魔聊書宵寐句扎闌去搗訶人

有書夜夢不詳書門大吉爲宵寐非願扎闌洪麻者故戲用之

阿四

阿四頻年爲我忙飢催羹飯渴茶湯老來事事需人助
直把僮奴作奶娘

三並頭蓮

三朵並蒂合成一朵余名之曰三並蓮蓋取三口合成品字之意

一架紅蓮絢綵霞並頭三朵合奇葩朝恩已倖加三

品敢復矜稱一品花

家居那得更籌但聽街柳打未休可惜早與今不用
朝朝醒在五更頭

曉市

曉市家家要破錢獨尋煤店解腰纏買來炭塹盈三百
似尙留儂要過年